

四庫全書

子部

欽定四庫全書

子部

證治準繩卷七十九

詳校官太醫院醫士臣舒岱

編修臣倉聖脈覆勘

總校官進士臣朱鈐

校對官中書臣吳俊

謄錄監生臣何照鄰

欽定四庫全書

證治準繩卷七十九

明 王肯堂 撰

幼科

心臟門

丹毒

丹毒聖惠凡小兒一切丹皆由風毒在於腠理熱毒搏于血蒸發其外其皮上熱而赤如丹塗之狀故謂之丹

也若又不歇則肌肉壞爛若毒氣入腹則殺人也今以一方同療之故號一切丹也 嬰童寶鑑小兒諸丹毒歌丹火初成似火燒天火渾身赤轉饒伊火勸邊青黑色厲從額上起根苗醫并穀道標丹毒如帶蠶紅暴火調留火發時一日甚改變無常五色標家火頰連雙腋乳天竈內踝及陰尻背并膝赤飛丹病股內臍陰尿灶招 巢氏云火丹候往來如傷寒赤着身而日漸大者是也 又云丹火候狀發赤如火燒須臾慄漿起是也

嬰孺方云火丹者往來如傷寒赤着身體不從傷火而得者如日出時以從其處又名日丹宜同用千金漏蘆散 曾經云赤紫丹瘤皆心火內鬱而發赤如丹砂心主血而火性熱血熱相搏陰滯於陽即發丹毒心虛寒則痒心實熱則痛自腹生出四肢者易治自四肢生入腹者難療先用百解散表之次以當歸散加連翹荆芥水煎服及牛蒡湯加炒麻仁研碎同煎與宣熱拔毒其次赤葛散或初用化丹湯亦好 有身上發時亦

如前證不甚燥痒但見出浮于遍體神昏不悅名陰濕
毒證先以沖和飲加南木香薑水煎服次用當歸散雄
黃散然此二證不問赤白若入腹入腎多致為害不可
輕視如常自取困爾 湯小兒丹毒乃熱毒之氣極與
血相搏而風乘之故赤腫及遊走徧身者又名赤游風
入腎入腹則殺人大抵丹毒雖有多種病源則一有
赤丹毒遍身痒者或女子十五六而脉未通者多發丹
疹皆由血有風毒乘之宜服防已散

葛根白朮散 治小兒赤白丹毒

白朮

枳殼

錢各一

茯苓

錢二

木香

錢一

葛根

錢三

甘草

半 二錢

右六味剉散用水一盞煎不拘時服

犀角解毒散

治小兒赤丹瘤壯熱狂燥睡卧不安胸

膈悶滿咽喉腫痛遍身丹毒

牛蒡子

炒一兩 五錢

防風

甘草

錢各二

荆芥穗

錢五

犀角

半 一錢

右五味劉散用水煎不拘時服

防風升麻湯 治小兒丹瘤赤腫

防風 升麻 山梔 去殼 麥門冬 去心 木通 甘草節

各一錢

右六味咬咀用淡竹葉三片煎食遠服

荊芥散

防風 天花粉 羌活 生地黃 當歸 蟬蛻

各等分

右六味水煎服

百解散

驚

防已散

漢防已

兩半

朴硝

犀角

黃芩

升麻

各一分

黃芪

一分

右六味咬咀竹葉水煎量大小加減服

牛蒡湯

咽痰

化丹湯

解利丹毒遍身燥痒發熱煩啼

川獨活

射干

麻黃

去根節

青木香

甘草

黃

芩

薄桂

刮去粗皮各五錢

石膏末

右八味剉每服二錢水一盞煎七分無時溫服

漏蘆湯

治小兒一切丹毒

一名漏蘆散

漏蘆

麻黃

去根節

連翹

川升麻

黃芩

白斂

甘草

川芒硝

各一分

川大黃

一兩剉微炒

一方加枳

實

一分

麩炒微黃赤芍藥

一分

剉右為粗末

每一錢水一

小盞煎至五分

去滓溫服無時

丹小兒黑癰紅癰瘡痒癰疹並用防風通聖散治之治
小兒月內發一切丹藍葉散

藍葉

一兩

黃芩

犀角屑

川大黃

劉微炒

柴胡

去蘆

子仁

以上一分

川升麻

一分半

石膏

一分半

甘草

半分微炒

右九味為粗末每服一錢水一小盞煎至五分去滓
下竹瀝半合更煎三兩沸放溫無時量兒大小加減
服後同氣怯弱者可去大黃

治小兒一切丹遍身壯熱煩渴升麻散

川升麻

分一

黃芩

分一

麥門冬

三分

葛根

三分

川大黃

微炒

川朴硝

分一

右六味為粗末每服一錢水一小盞煎至五分去滓

溫服無時

治小兒一切丹毒遍身赤痛大黃散

川大黃

半兩剉微炒

防風

半兩去蘆

川升麻

分一

黃芩

分一

麻黃

一分去根節

秦艽

去蘆一分

川朴硝

二分

右七味同㕮咀每服一錢水一小盞煎至五分去滓

溫服無時

治小兒丹瘡臟腑壅熱太過心神煩悶大小便不通大

黃散

川大黃

微炒

川升麻

川朴硝

葵子

各半兩

梔子仁

分一

右五味為粗末每服一錢水一盞煎五分去滓量兒
加減以利為度

治小兒一切丹發無常處身熱如火燒宜用升麻膏

川升麻 川大黃 護火草 蛇啣草 梔子仁

寒水石 川芒硝 藍葉 生地黄 芭蕉根

羚羊角屑 梧桐皮

各半兩

右十二味細剉以竹漚浸一宿明日漉出却入鍋中以臘月豬脂一斤慢火熬一食久乘熱以綿漚去滓候冷成膏磁盒盛旋取磨塗之無以膏如棗大竹漚湯化服之

千金湯 治小兒熱毒癰疽赤白諸丹毒氣瘡癰方

漏蘆 連翹 白斂 芒硝 甘草炙各一分 大黃四分

升麻 枳實 麻黃去節 黃芩各一分半

右十味以水一升煎取五合兒生一日至七日取一合分三服八日至十五日取一合半分三服十六日至二十日取二合分三服二十日至三十日取三合分三服三十日至四十日取五合分三服

又方治小兒丹毒大腫身熱百治不折

寒水石十六分 乾藍青切 竹瀝各一分 犀角 柴胡

杏仁

去皮尖熱研各八分

生葛汁

四合澄清

知母

十分

甘草

五

殺羊

角

六分

芍藥

七分

梔子

十一分

黃芩

七分

蜜

二升

石膏

十三分

右十五味水五升并竹瀝煮三升三合去滓內杏仁
脂葛汁蜜微火煎二升三歲兒服二合大者量加之
藥分太太嬰兒服未得

又方治小兒丹數非一皆主之

大黃

甘草

當歸

川芎

白芷

獨活

黃

芩

芍藥

升麻

沉香

青木香

木蘭皮

各一

雨
芒硝
雨三

右十三味以水一斗二升煮取四升去滓內硝湯中
適寒溫搗之乾再用差乃止

湯張三太尉女年十五歲病此諸醫百藥俱試而不能
中召余視之以生料四物湯加防風黃芩一日而愈
生料四物湯 治血熱生瘡遍身腫痒及脾胃常弱不
禁大黃等冷藥尤宜服之

生地黃 赤芍藥 川芎 當歸 防風
雨各半 黃

芩一錢
牛

右六味咬咀水煎量大小加減忌酒麪猪羊肉豆腐
丹小兒赤瘤主傷血熱宜生地黃木通荊芥苦藥發表
之類外以芭蕉油塗患處

治小兒一切丹毒大赤腫身體壯熱如火已服諸藥未
減宜服藍青散方

藍青 知母 梔子仁 甘草微炙 杏仁去皮尖雙

半兩黃各 寒水石 石膏 犀角屑 柴胡去苗 黃芩各一

兩
赤芍藥 麝羊角屑 各三分

右十二味為麤末每服一錢水一盞煎至五分去滓
入竹瀝蜜生葛等汁共一合更煎三兩沸放溫無時
服量兒大小加減

解毒散

寒水石 滑石 石膏 各等分

右三味為末入辰砂少許量兒大小燈下湯下

赤葛散 治因血熱與風熱相搏遍身丹毒燥痒日久

不消

赤葛

二兩

甘草

三錢

右二味碎每服二錢無灰酒一盞煎七分無時溫服
不飲酒者止用水一盞入酒一大匙同煎服

泉州大智禪師

文省

經進必效方載神聖治小兒頭面

皮膚忽生瘡瘍火燎丹發起赤腫暈有碎小瘡及赤暈
上瘡初發如錢漸暈開一二尺良久遍身入口耳到臟
腑即不救此證可畏速治之

此乃自積
熱得之

甘草

一兩或
半兩

右一味拍破入水一盞或半盞煎湯溫溫令乳母全
口呷含漱徐徐吐淋洗病處以手掌與揩不得犯指
甲仍與兒甘草湯喫一用即不暈開良久再淋三用
立瘥

治丹毒拜土虺咬紅散子

茜根

半斤

右一味為末每服二錢溫酒調下立効

治小兒一切丹毒通用

護火草

半兩

紫葛

硝石

各半兩

右三味為末冷水調塗乾即再塗以差為度

治小兒一切丹毒遍身發熱硝石散

硝石

一兩

乳香

一分

右二味為末以雞子清調塗之

又方

太陰玄精石

一兩

白礬

一分

右二味為末水調塗

治小兒諸丹遍身如火纏腰即殺人

芸臺子

不以多用

右一味研細酒調飲兼塗丹上一方以酒研細溫服無時

治小兒一切熱毒丹及赤腫疼痛

大黃 馬牙硝

研各一兩

右二味先將大黃為末入牙硝同研水調塗患處乾

再易之

簡要濟衆方治小兒丹毒從臍中起

灶下黃土年深者

細研

右以屋漏水或新汲水和成泥貼之乾即易之

子母秘錄治小兒一切丹煩

柳葉

一斤

右一味用水一斗煮三升日洗七八次

綠袍散

綠豆

錢五

大黃

錢二

右二味為極細末用生薑薄荷汁入蜜塗

白玉散

白玉

石即滑

寒水石

各二錢半

右二味為細末用醋調塗或井水調塗

碧雪

芒硝 青黛 寒水石 石膏 朴硝 馬牙硝

甘草

各一錢

右七味為極細末傳

水黃散 治小兒赤瘤丹毒丹鉞刀子疎去瘤頭赤暈

惡血毒汁

土硝

五錢

大黃

一錢

右二味為極細末用新井水調勻塗

湯又傳丹毒方只一夜消盡用花蘆石生薑薄荷自然
汁調鷺毛刷上患處為妙

胎毒發丹薛胎毒發丹者因胎毒內伏或頻浴熱湯或

著烘衣或乳母飲食七情內熱助邪為患發于頭面四肢延及胸腹色赤遊走不定古人云從四肢起入腹囊者皆不治當急令人隨患處遍吮毒血各聚一處砭出之急服活命飲惟百日内忌砭以其肌肉難任也若發散過劑表虛熱而赤不退者用補中益氣湯加防風白芷寒涼過劑胃氣受傷而熱赤不退者用異功散加柴胡升麻或兼發搐等證用四君升麻當歸鉤藤若復用攻毒必致不起頭額間患者當卧鎌砭之 一小兒患

丹赤暈走徹遍身難以悉砭令人吮四肢胸背數處使
毒血各凝聚而砭之先用活命飲末酒調二服又以金
銀花甘草節為末用人乳調服漸愈月餘後兩足皆腫
仍砭之服前藥而痊數日後兩足復赤或用犀角解毒
丸之類致乳食不進肚腹膨脹此復傷脾胃而然也敷
神功散服補中益氣湯加茯苓而痊 一小兒腿如霞
片遊走不定先以麻油塗患處砭出惡血其毒即散用
九味解毒散而安 一小兒臂患之砭出毒血而愈感

於人言服護心散以杜後患服之吐瀉腹脹患處復赤
手足並冷余謂此脾胃虛弱前藥復傷用六君子湯一
劑頓愈又以異功散加升麻柴胡而痊 一小兒腿上
患之神思如故乳食如常余謂毒發於肌表令急砭出
毒血自愈不信外敷寒涼內服峻劑腹脹不乳而死
一小兒患此二便不利陰囊肚腹俱脹急用砭法隨以
活命飲加漏蘆木通大黃為末時用熱酒調服至兩許
二便俱通諸證頓退却去三味仍前時服而愈 一小

兒患此二便不利腹脹咳嗽用活命飲加漏蘆木通麻黃為末時時熱酒調服二便隨通遍身出汗諸證頓退鼻息似絕無氣以動時或似躁此邪氣去而元氣虛也急用當歸補血湯而愈 砭法治丹毒赤色遊走不定令口吮毒血各聚一處用細磁器擊碎取鋒芒者以筋頭劈開夾之用線縛定兩指輕撮筋頭稍令磁芒對聚血處再用筋一根頻擊刺出毒血輕者止用口吮出毒用藥敷之如患在頭者不用砭法止宜用針卧倒挑患

處以出毒血遲則毒血入腹而難起矣 神功散治丹

毒最効若砭後毒甚者宜用如毒輕者砭後不可用恐

砭處皮膚既破草烏能作痛也

方見前條

傷食發丹傷食發丹者因脾胃之氣未充乳食過多不能運化蘊熱於內而達於肌表也若因乳食停滯者先用保和丸消之大使秘結量加大黃通之乳食既消而丹尚作者用清中解鬱湯治之丹邪既去而乳食不思者用五味異功散補之發熱作渴或飲食少思者用七

味白朮散補之大凡飲食厚味所致者赤暈或行而緩慢若飲燒酒或誤吞信石所致者遍身赤暈其行甚速又有瘡瘍發焮周圍有赤暈其熱消散或膿出自退凡此俱忌砭法皆宜安裡為主不可攻伐若自吐瀉亦不可止之吐瀉中有發散之意因飲燒酒者飲冷米醋一二杯解之此神妙之法也因母多食炙膊膏粱或飲燒酒或服辛熱燥藥或鬱怒傷肝脾致兒為患者當參胎熱毒瘡瘍治之

驚丹曾嬰孩生後百日之內半歲以上忽兩眼胞紅暈微起面帶青黯色向夜煩啼或臉如胭脂此伏熱在內亦有臉不紅者始因居胎之時母受重驚驚邪傷胎遍相傳襲形發於外初發時散生滿面狀如水豆脚微紅而不壯出沒休息無定次到頸項赤如朱砂名為驚丹用四聖散先洗其目次百解散加五和湯同煎與解驚熱丹毒牛蒡湯當歸散三解散黃芩四物湯皆可為治如驚丹發至胸乳間微有痰喘作搐急宜宣熱拔毒

免致內流為害不淺五和湯加升麻生乾地黃水薑燈
心煎服則自消除仍用前數藥調治不生他證或投萬
安飲

黃芩四物湯 治諸瘡丹毒赤瘤燥痒

黃芩

一兩

當歸

酒洗

生乾地黃

赤芍藥

川芎

四味各半

兩

何首烏

去粗皮

草烏

炮去皮

玄參

三味各二錢半

甘草

六錢薄

荷

二錢

右十味㕮咀每服水一盞煎七分無時溫服

四聖散

初生目不開

百解散

驚

五和湯

發熱

牛蒡湯

咽疾

當歸散

三解散

俱發熱

五色丹聖惠夫小兒五色丹者由丹發而改變無常或青黃白黑赤此是風毒之熱有盛有衰或冷或熱故發為五色丹也 孔氏家傳用小柴胡湯如法煎服以滓傅丹上良 川大黃川芎硝梔子仁黃芩乾藍葉商陸各等分為細末水調塗棗樹根四兩丹參三兩菊花一兩半剉細每二兩水五升煮三升避風適寒溫浴兒

苧根葉一斤細剉赤小豆三合以水五升煮三升去滓
避風處溫浴兒 青栗毬有刺者杵碎水煮浴兒 蒲
蓆灰雞白和塗 牛屎傳之乾即易 豬槽下爛泥傳
之乾即易 縛母豬頭骨卧枕之

白丹夫白丹者由挾風冷之氣故使色白也初發痒痛
微虛腫如吹妳起不痛不赤而白色也 酸母草五葉
草各五兩絞汁塗 川大黃杵為末以馬齒莧自然汁
調塗 爛杵蓼葉塗 爛杵蘭香葉塗 醋和梁上塵

塗 猪脂和鹿角灰塗 燒猪糞灰雞子白和塗

張渙香豉散 治白丹疰痛虛腫如吹方

香豉

二兩
炒焦

伏龍肝

一兩

右二味為末生油調塗之

聖惠又云夫白疰者由風氣折於肌中與風相搏遂為
疰也得天陰而冷則劇出風中亦劇得晴暖則滅身暖
亦差宜用此方

枳實

剉

右一味用水煮取汁洗拭丹上

治小兒風熱毒腫白色或有惡核瘰癧附骨癰疽節解
不舉白丹走滿身中白疥搔不已五香連翹湯

青木香 薰陸香 雞舌香 沉香 麻黃 黃

芩

各一分

大黃

各八分

麝香

半

連翹

海藻

射干

升

麻

枳實

各二分

竹瀝汁

合三

右十四味水四升煮藥至一半內竹瀝煮取一升二
合兒生百日至二百日一服二合二百餘日至晬一

服五合

外臺備急治白丹

芋根

三斤小豆四升

右二味以水二斗煮日浴三四次兼治一切丹妙

赤丹聖惠夫赤丹者由風毒之重故使赤也初發脉起大如連錢小者如麻豆肉土生粟色如雞冠故亦謂之茱萸丹也

川升麻 白斂 漏蘆 川芎各一兩 黃芩 枳

殼連翹

蛇啣草

各一兩

梔子仁

蒴藿

各二兩

右十味剉細以豬脂一斤半慢火煎諸藥令赤色去滓放冷磁盒收旋取塗之

治小兒面身卒得赤丹或痒或腫不速療之即殺人宜用此方

羖羊角屑

八兩

右一味以水五升煎一升絹濾入煉了豬脂五兩和塗

張渙升麻膏治赤丹初發肉如火色如雞冠又名茱萸丹

川升麻 白斂 漏蘆 芒硝 各一分 連翹 梔子

仁 各半兩

右六味細剉以猪脂半斤慢火同煎諸藥令赤色去滓放冷塗

千金云凡小兒丹初從背起遍身如細纈一宿成瘡名茱萸丹赤小豆為粉糝之如未成瘡以雞子白調傅

之

治小兒赤丹

醋和蕎麥麵塗之

唾調胡粉從外向

內塗之

豬脂和鍛鐵屎傳之

雞白調黃米粉塗

赤足蜈蚣為末入硫黃研勻水調翎掃頭焦即止 天

茄兒葉俗名老鷄眼睛取葉和醋搗傳 以蓼子鹽湯

洗了按蓼塗之

千金治小兒火丹色如朱皮中走 醋研豉成膏傳

鯉魚血頻頻塗 研粟米塗

黑丹聖惠夫黑丹者由風毒傷於肌肉故令黑色也初發痒痛或慄腫起微黑色也 風化石灰二兩屋四角

茅草三兩燒灰為末雞清調塗 荒蔚子蛇啣草護火

草各二兩杵爛雞白調塗 青羊脂熟摩病上日三五

度用之

如無青羊白羊亦同但不及爾

猪槽下泥塗 又以餵猪杓

子炙令熱熨之

張渙祛毒丹 治丹黑色痒痛腫起

川升麻

漏蘆

芒硝

各二兩

黃芩

梔子仁

各一兩

右五味為粗末每以水三盞煎兩匙頭末微熱以帛搗丹上以消為度

天火丹聖惠夫小兒丹發肉中有如丹赤色者大者如錢劇者遍身赤痒故號天火丹也 本事天火丹從背起赤點用桑白皮末羊脂調塗 麻油五合生鯽魚半斤同杵如泥塗丹上乾即易 虎脂二兩黃丹一兩研為膏塗 桑根白皮二兩甘菊花一兩半丹參莽草各一兩剉勻每用二兩水三升煮二升去滓溫浴兒避風

以小兒埋胞衣瓶子中水一二合時時與兒服及塗
身上有毒處

千金治天火丹病初從髀間起小兒未滿百日犯行路
灶君若熱流陰頭赤腫血出方用伏龍肝為末雞清調
塗

又方 鯽魚肉

剉五合

小豆末

三合

杵成膏水和傅之良

又諸火丹天火龍火着肉作瘡急以鹽湯噴次以山藥

塗

如無生者只以乾者為末水調塗

又方以羊脂調赤石脂末塗之

鬼火丹小兒丹發兩臂赤起如李子名鬼火丹治之方
景天草五兩蛇銜草三兩杵如泥以雞血調塗
戎
鹽一兩附子一枚燒灰為末雄雞血調塗

張氏戎鹽散

戎鹽

一兩附子

一枚雄黃

半兩
水飛

右三味同研為末每用少許以雄雞血調塗

顱頤經治鬼火丹從面上起以雞清調灶下土塗立差

野火丹聖惠小兒丹發赤斑斑如梅子遍背腹名野火
丹 千金凡遍身皆赤者名野火丹 雄黃戎鹽各半
兩為末雞白調頻塗以差為度 灶中黃土一兩青竹
葉二兩燒灰為末雞白調塗 白殭蠶二七箇護火草
一兩杵爛塗之 酒塗 油塗 雞清和赤豆末封之
遍身者合塗之令遍

家火丹聖惠小兒丹初發着兩頰兩膀上兩腋下名家
火丹 梓木白皮蓼葉各三兩燒灰雞白調頻頻塗之

以差為度

嬰孺方治家火丹攻喉入腹大不利方

用硝石凝水石銅器中熬乾研服方寸匕

又方烏頭

分一

赤石脂

分三

研細雞清調塗神良

殃火丹聖惠小兒丹初發兩脇及腋下腿上謂之殃火

丹用川朴硝研為末每服以竹瀝調下半錢更量兒大

小加減

浮萍杵汁時時服之

千金用伏龍肝為末

生油調塗乾易之若入腹及陰紋護火草汁服之

張渙拔毒散

川朴硝

一兩

梔子仁

半兩

右二味為末醋調塗

又方 山梔子仁

四兩

生鯽魚

半斤

同杵如泥每以醋化少

許塗丹上兼治神火丹

神火丹聖惠小兒丹發兩膀不過一日便赤黑謂之神

火丹 景天草花絞汁先微揩丹上後塗之以差為度

鯽魚半斤杵如泥塗之頻塗為良 醋調梔子仁末

塗

熒火丹聖惠小兒丹發如灼在脇下正赤初從額起或

從耳起而多痛名熒火丹 赤小豆合一硝石兩半寒水石

分一為末每以冷水調半錢日三服量兒加減張氏用冷水調塗

灶中黃土合一生油合二同研如泥時時塗之以差為度

若痛上陰即殺人也 景天草杵爛以醋調塗

朱田火丹聖惠小兒丹先發於背遍身一日一夜而成

瘡名朱田火丹治法取棘根煮汁洗之若已成瘡用小

豆末傅之未成瘡即以雞清調小豆末傅 藍靛塗

雞清塗

天竈火丹聖惠小兒丹發兩膀裏尻間正赤流至陰頭
赤腫血出者是也治之方

薺藥

三兩

赤小豆

一合

煨爐門上灰

一兩

青羊脂

三兩

葱白

三莖切

右五味相和杵如膏磨之燥再磨之

又方

細辛

一兩

糯米

一合

景天草

三兩

杵如泥塗丹上差為

度

又方 伏龍肝赤小豆等分為末雞子白調塗 又桑根煮汁浴之 車前子為末水調塗 蠶沙一升水煮去滓洗 鐵落末錫和如膏塗 杆生浮萍傅 千金云小兒丹從髀起小兒未滿百日犯行路灶君若熱流下至陰赤腫血出以雞清調伏龍肝傅 又以鯽魚肉同赤白豆杆爛入少水和傅

廢竈火丹聖惠小兒丹發從趺起正赤者是也治之方

寒水石

硝石

各半兩

莽草

一兩

右三味為末每以新汲水調下半錢更量兒大小加

減

張氏用水調塗

又方

赤小豆

一兩

牛角

二兩燒灰

右二味為末雞白調塗

又方

五加葉根五兩燒灰以鍛鐵槽中水調塗 棗

樹根水煮汁浴三五次 桑根煮汁洗

尿竈火丹聖惠小兒丹發膝上從兩股起及臍間走入

陰頭者是也治之方桑根白皮一斤剉以水七升煮四升去滓看冷熱避風浴之 李樹根半斤燒灰為末取田中流水調塗 以屋四角茅草燒灰為末雞白調塗以桑白皮李根同剉煎湯洗之

赤流聖惠夫小兒身上或一片片赤色如胭脂及漸引此名丹毒俗謂之流若因熱而得者色赤或因風而得者色白皆腫而壯熱也可用一鉞刀散鑱去惡血毒未入腹者可療也

治小兒心熱身上赤流色如胭脂皮膚壯熱升麻湯

川升麻

川大黃

剉微炒

川朴硝

玄參

各半兩

犀角

屑黃芩

梔子仁

木通

甘草

各一分微炒

右九味為末每服一錢水一小盞煎五分去滓溫服
無時量兒加減

千金治赤流丹腫杵赤小豆五合水和取汁飲之一合

良澤以傅五心

又服黃龍湯二合并傅患上

小柴胡湯去半

夏名黃龍湯

乳香散定疼

天仙藤

一兩焙乾為末

乳香

一錢研

右二味每一錢溫酒下

晏元獻公明効方牛黃散 治小兒初生至二三歲一

切風發赤白流走遍四肢方

牛黃 朱砂 蝸牛肉 全蝎 白殭蚕 天麻

白附子 乳香 麝香 生龍腦 螳螂翅

各一分 錢一 對五

五月
中採

右十一味為細末每服一字薄荷水調下初生小兒
洗了後用乳調少許塗口中胎疾永除

張渙方治小兒赤流熱如火宜用大黃散

川大黃

生

鬱金

黃藥

膩粉

猪牙皂角

去皮
子各

兩半

右五味為末生油調塗

又方 護火草汁

合三

赤地利末

錢三

膩粉

錢一

右三味相和量兒大小加減服之良久瀉下血片為

効其滓傳在赤處亦佳

治小兒赤流半身色紅漸漸展引不止方

牛膝

去苗
一兩

甘草

生半
兩

右二味剉以水一大盞煎五分去滓調伏龍肝末塗効

又方

大黃

生一兩

赤小豆

半合炒
紫色

川朴硝

三分

右三味為末雞白調傳勿令乾

又方

李子油

三兩

朱砂末

一分

右二味調如膏塗之

千金治小兒赤遊丹一日一夜即成瘡先從背起漸至
遍身如棗大正赤色者用煮棘根洗去

其法已見朱田
火丹下所用傳

藥並
同

玄胡散 治小兒赤流

玄胡索

一兩

天南星

二兩

朴硝

半兩

巴豆

二七

去油

個

右四味為末芸薹汁調毛翎掃之

治赤流白流火燄諸丹等方

好生膽礬

重一錢

烏鰂魚骨

重一錢

蜈蚣

一條全焙

射香

三十文 輕粉 二十文

右五味一處乳鉢內研極細看丹多少用藥醋調令
稀毛翎掃在丹上立止

治赤白流

雄黃

半兩

白礬

一分

白芩子

一分

右三味為末水調掃効

治小兒表裏受熱之甚忽發遍身赤腫狀似丹疹若於

腹中周匝則不可救名曰赤油腫此藥如神

胡荽

不以多

右一味研取自然汁調水銀粉又曰輕粉鷲毛掃上
病處須臾赤色便變為白或上有白癰子不妨或自
破亦無害乃是病去也調時不須太稠

聖惠方云取摩羅葉汁塗赤處隨手便瘥

活人書譚氏殊聖方歌云五遊忽發遍身形恐悚令人
怕怖驚乍睡剎那生滿體莫冤神鬼錯看承甘泉硝石

蒼龍骨感攝消磨去痛疼更取鐵槽連底水調和頻搗
便身輕宜消腫散

清泉硝石

白龍骨

各一兩

右二味研勻淨器收以鐵槽水調一錢掃塗立差

身有赤處聖惠小兒因汗為風邪熱毒所傷與血氣相
搏熱氣蒸發於外其肉赤而壯熱也

治小兒身上有赤引於頰上或口旁眼下赤如臙脂向
上皮即皴剝漸漸引多此是心熱血凝所為其治法宜

以小刀子鋒頭鎌破令血出後宜服丹參散

丹參

黃芩

枳殼

去白
麩炒

葛根

犀角

鎔各
一分

麻黃

去根節
半兩

右六味為末每一錢水一小盞入竹葉十片竹茹半錢煎五分去滓放溫量兒加減無時服

治小兒身上有赤煩熱麥門冬散

麥門冬

去心

蘆根

剉

葛根

剉

犀角屑

漏蘆

甘草

炙各
半兩

右六味為末每服一錢水一盞竹葉十片去滓放溫
量兒加減無時服

治小兒身上有赤或瘀腫或如火丹煩渴渾身赤壯熱
鉛霜散

鉛霜研 菜豆粉各半兩

右二味用芸苔菜自然汁調塗

又方 伏龍肝一兩為末 亂頭髮二兩煨研

水調塗赤處

又方 桃仁去皮研爛以面脂和塗 水煮黃蒿槌濃

汁入鹽少許溫服 細研白礬末生油調塗 杵芭蕉

根汁塗 杵水中苔水調塗 水調芒硝末塗 炒米

粉令焦黑為末津唾調塗 生蛇啣草擣爛調塗

蛇纏丹治蛇纏丹匝腰則死擣萬莖爛塗或研萬莖子

塗之 戴氏家傳用蘆箔上草繩經子燒灰同生油調

塗 廣利方杵馬齒莧傳之

土鬼丹靈苑方治土鬼丹此病初發如湯泡頃刻則大
連發不已或至數處便能致困宜速治之方

赤足蜈蚣

一條

雞腸草

金蕎麥

各一分

銅綠

錢一

麝香

許少

右五味為末如患者用針穿破却用針眼上度藥在丹內上面用醋麵膏子掩之如人有患不覺數日後喫食不得即先服下項藥

大黃 甘草

各等分

右二味為末新汲水下半錢或一錢立差

治土鬼丹及馬汗入瘡大効

烏梅

焙

糯米

杏仁

去皮
尖研

澱花

各一
兩

鹽豉

一兩
半

巴

豆

二十粒
去皮
煎研
心

右六味為末糊丸先挑破瘡即以醋磨藥塗更以醋
麵蓋之服一二丸亦佳

王師禁土鬼丹及蛇纏丹

霹靂震震霽

一氣念二十一遍吹在病處自立東南方上令病人
在西北以大指掐中指本節文以第二指掐大指中

節兩手皆然吹時即放手持呪四十九日於五更初
向北受持可用

骨火丹其瘡見骨著足踝者是也十金杵大小蒜厚封
之 嬰孺方刺腫上入二分以牛膽汁調大黃末塗之
顱頤經二十二種丹證治

灶額丹先從頭上起滿身屑其丹赤色 用豬槽下土
并桃柳根皮搗末生油調傅 竈尾丹從腰起黑色遍
身痛疼 用堂屋四角草燒灰入白礬末雞子白和塗

龍火丹先從腹起至心脣黃赤色 用屋脊上草燒

灰松花白雞子黃猪槽內水調塗 君竈丹從右手上

起引似蛇行赤色 用灶下土油調塗 母竈丹從左

脚上起 用煬猪湯灶額上灰傅 女竈丹從陰上起

紫赤色 用女兒小便生梅灶右邊磚縫上土和調塗

朱黃丹從右脚起脣至遍身 用屋四角草鐵匠家

磨刀水調傅 星子丹從頭起脣遍身如錢子大赤色

用桃樹向北枝燒灰油調傅 蜂子丹從頭面四向

屑 用灶頭上土入臙粉以雞子白調傅 亂神丹天

下惡證從肚內起出口內紫黑色 用善火草白礬末

并蜜入洗銀水調服之 注火丹從背上起黃赤色

用壁上土猪槽下土白礬末生薑汁生油調塗 母子

丹從眼眶上起 用白礬蛤粉樟柳根杵汁和塗之

火焰丹從前心起頭痛如火燒 用善火草猪槽下土

雞子黃調塗 蜘蛛丹滿身病 用白礬皂莢燒灰猪

槽下泥和塗之 佛家丹從耳起 用乳香善火草瓦

雷內土油調傅之 神氣丹從頭背起 用牯牛骨燒

灰羊脂調塗 燹火丹從背甲起 用生麻油合猪槽

下泥塗之又巢氏云丹發於背臂及穀道者名燹火丹

嬰孺方治燹火丹用景天草_{十兩}真珠_{一分}杵為膏封丹上

胡漏竈丹從臍中起 用屋漏水調灶中土塗 胡

吹竈丹從陰上起 用水茄窠下泥和苦酒塗之 土

竈丹從踝起 用屋四角茅草灶橫麻燒灰雞子白調

塗 野竈丹從背起 用柔香茸蒴藿赤小豆末塗之

立差 神竈丹從肚起 用土蜂窠杏仁膩粉生油調塗

本事方十種丹瘤腫毒所起證治

一飛灶丹從頂頭起先腫用葱白研取自然汁塗

二古灶丹從頭上紅腫痛用赤小豆末雞子清調塗

譚氏

方同不拘何處皆治

三鬼火丹從面起赤腫用灶心土雞子清調塗

按不拘何處皆

妙治

四天火丹從背起赤點用桑白皮末羊脂調塗

五大灶丹從兩腎赤腫黃色柳葉燒灰水調塗

腎作臂

六水丹從兩脇虛腫用生鐵屑研末猪糞調塗

七胡火丹從臍上起黃腫用櫛櫛為末米醋調塗

八野火丹從兩脚赤腫用乳香末羊脂調塗

九烟火丹從兩脚有赤白點用猪槽下土麻油調塗

十胡漏丹從陰上起黃腫用屋漏處土羊脂調塗

右此十種丹毒變易非輕治之或緩則致不救故余

不惜是方能逐一仔細辨認依此方法治之萬不失
一如經三日不治攻入臟腑則終不救不可緩也

赤白遊腫聖惠云夫小兒有肌肉虛者為風毒熱氣所
乘熱毒搏於血氣則皮膚赤而腫起其風隨氣行遊不
定故名也又云夫遊腫之狀為青黃赤白無復定色遊
走皮膚之間肉上微光是也

治小兒赤遊皮膚作片片赤腫此是風熱所致宜服犀
角散

犀角屑 黃芩 黃芪 川升麻 梔子仁 漢

防已

川朴硝

各一兩

牛黃

半分研

右八味為末煎竹葉湯調半錢無時服量兒加減

治小兒頭面身體赤毒腫起作片宜用升麻膏

川升麻

一兩

犀角屑

射干

赤芍藥

玄參

黃

芩

梔子仁

川大黃

大青

藍子

羚羊角

屑

各半兩

生地黃

二兩

右十二味判以豬脂一斤半於鑪中慢火熬不住手

攪藥色變膏成去滓甑合盛頻摩腫處

又方 黃檗末 川大黃末 川朴硝各半兩 馬勃 水

銀

各一分水銀於手心內用津研令星盡

雞子

三箇去殼

右六味同研成膏先以鈹鍼鈹破然後以膏塗之

又方 雞冠花 商陸 紫釰 川大黃各半兩

右四味為末以雞清入生油等分調塗乾再塗

又方 附子

去皮臍半兩

川椒半兩去目

石鹽三分

右三味為末以煉了猪脂四兩相和慢火熬成膏磁

合盛候冷頻頻塗之以差為度

治遊腫攻頭面焮腫赤熱疼痛宜用鬱金散

鬱金

兩半

赤小豆

合

甜葶藶

兩半

伏龍肝

兩二

川芒硝

兩半

川大黃

兩生半

右六味為末以生雞子白并蜜少許調令稀稠得所

塗之乾再塗

治遊腫赤者

川大黃末

兩二

護火草

兩五

右二味相合杵塗之乾易

治赤白遊腫

芸薹子

半合

鹽

一錢

米醋

一升

子穀

右三味杵如泥看大小塗紙上貼之如走即隨處貼之
之不三兩上効

治青白赤遊腫手近微痛

川大黃 蒲黃

伏龍肝

各二兩

右三味為細末水和如薄泥塗之乾再易

又方 川大黃

生一兩

豆豉

一合

紫檀

一兩

右三味為末醋和塗乾再用

又方

紫檀香

二兩

為末水調塗

治遊腫流遍身赤色入腹即死以生豬肉傅上數數換之其肉蟲鳥不食臭惡甚也

治遊腫以生布一片搵油以火燃之持照病上呪曰日遊日遊不知着脂火燎你頭呪七遍即差也

治白遊腫 杵生羊脾塗之

又方

括萋根

二兩為末

伏龍肝

半兩細研

醋調塗乾再用

子母秘錄治小兒赤遊行於體上下至心即死以芒

硝納湯中取濃汁拭丹上 杵菰菜傅之 取白豆
末水和塗乾再用

千金中興治赤遊腫若遍身入腹心即殺人用灶下
黃土為末油調塗勿令乾若已入腹及陰者以護火
草取汁一盞服之乾者即末之水調服

治赤白遊腫 簇上白臭死蠶治白遊赤死者治赤遊
並搗塗之

治赤遊腫搗瓜薑傅之 本草云赤遊白癰醋磨五毒

草傳亦杵莖傳之恐毒入腹亦煮服之

五毒草一名五葳又名地

園平地生花葉如蕎麥根似狗脊

丹入腹杵馬齒莧汁飲之以滓傳之又用生麻油塗之
又濃煮大豆汁塗之

嬰孺方主丹入腹及下至卵者不治方

麻黃

炒

升麻

各三分

硝石

四分

右三味為末以井花水服方寸匕日三服 一方加

大黃半分

劉氏家傳治走馬胎赤腫走入心腹則不救方

生槐葉

握一

生瓜蒌

去皮同槐葉搗

赤白豆末

各三分

右三味和塗患處其効如神

丹痛擣竹篇汁及一升作一服只一二服効

丹痒擣韭菜入些鹽與香油以手摩熱於丹上搯之立愈

傳丹雜方治一切丹瘤以土硝為末薑汁醋調塗日

三四上

土硝即蛻蟻土囊蟻增窠也

蓖麻子五箇去殼入白麵一

錢水調微微塗之甚妙 冷水杵茨菰葉莖雞翎掃腫

便消 研護火草汁塗 研五葉草汁塗 水調大黃

末塗 水研梔子仁塗 水調黃芩末塗 水研蒴藿

汁塗 蠟脂調屋塵塗 油調樺皮末塗 唾調粟米

粉塗 水研糯米汁塗 水煮白礬末塗 醋調紅藍

花塗 煮白芷根葉塗 杵鯉魚令爛塗 蜜和乾薑

末塗 水調地龍糞塗 杵大麻子汁塗 燒粉家洗

瓮水塗 水調韭畦中土塗 雞清調榆根白皮塗

不犯水羊脂炙塗以白粉傅之 研胡荽汁塗 醋磨

訶子塗 杵鬼目汁塗 杵荏子汁塗 研醬取汁塗

研地黃汁塗 研豆葉汁塗 研海藻汁塗 油調

豉末塗 水調青黛塗 水研地龍塗 水煮粟米塗

酒煮石楠塗 水調雞糞塗 杵梧桐皮塗 苦瓜汁

塗 并服 擣蒜塗 治五色丹尤妙

千金方言凡方中用雞子者皆取先破者用之它皆無力 又言凡天下極冷無過藻菜但有患熱腫毒丹等

取渠中藻菜細切熟搗傅丹上厚三分乾即易之余謂不可以此塗若毒在表猶可措手若抑之則外不得泄勢必入裡必先服托裡藥方可施此

辨小兒欲發丹毒候初生小兒蓄伏胎熱欲發丹者必先見於外但人不知察耳小兒在襁褓中無故眼生厚眵者此丹毒欲發之候也更微喘急者毒氣已甚而上乘於肺也纔覺有此證急以水調龍腦飲子或藍根犀角等藥潛消其毒如渾身已有赤處即更以芸苔等外

挫其鋒消息而次第治之予家凡兩兒初生眼有厚眦
後俱發丹何宰宜人外孫女生七日眼生眦已而小腹
下有赤丹一點如錢漸漸引開上至腹心而死不可不
知也 初虞世謂百日內發必死不治然亦有可治者
不可不治也

禁忌大凡小兒病諸丹腫其勢雖盛切不可遽用大黃
芒硝輩決藥大下之恐毒氣乘虛入裡以客為主即難
施功也但用性平解毒托裡藥常調停藏府微微通利

而已此則護元氣而排外邪庶保十全也比舍陶氏子
半歲病丹醫以青金丹下之太過蓄毒入裡發喘生驚
而死蓋嬰孺肌膚柔弱易虛易實而服藥復不能多治
之固不可怠慢然亦不可躁急全在精專調護以保無
虞世俗多不知此故廣記而備言之 小兒丹發若預
度其勢必展引至咽頸腹心陰尻諸虛處可先塗藥以
護之仍砭砂其引頭所向微出惡血以泄其毒或謂當
以篦子刮去惡血令盡直至清黃水出即止此必勢危

氣壯而血熱者始宜之大抵此疾人受之有輕重年長
氣實乃能禁當若未滿月兒而感之又重恐不可槩用
此法無為主簿張康道子二歲得火燄丹魯醫為砂之
出惡血蓋餘兩日而殂不可不知也 本草云大人小
兒丹毒宜食鯽魚鱠及蛇蛇即水母俗名海蜇者是也
然不可以宜食而恣食之反能為害鯽魚亦魚類得無
不宜

禁法無為南汰寺僧宋澄師傳西川文法禁火燄丹用

松明五條細如筋以火點著一頭右手執之大指插定
第二指中節紋左手亦如此插定面北立靜想北方壬
癸水渺漫無際一口吸盡吹在火上再想再吹如是三
次將火向自己口中試如不燒人即以松明火於小兒
丹上周回焯一遭兼於丹上十字焯過即已如試得燒
人疼更想吸水正旦及端午日受持

疔瘡薛諸瘡惟疔毒為甚殺人亦速古云疔有十二種
種各不同內三十六疔滿其數即不可救亦有不滿其

數而死者乃毒氣走散故也若痘毒染人發於頭面或遍身者又非此類在小兒多因乳母食有毒之物或兒卒中飲食之毒或感四時不正之氣皆能致之其瘡多生頭面四肢形色不一或如小瘡或如水泡或痛或痒或麻木不仁外證寒熱嘔吐惡心肢體拘急大要當分邪之在表在裡急用隔蒜灸法并解毒之劑若不省人事牙關緊閉急以奪命丹為末熱酒調灌如食生冷之物或用涼水淋洗則輕者難愈重者不治其生於兩足

者多有紅絲至臍生於兩手者多有紅絲至心生於唇口之內者多有紅絲入喉急用針挑出惡血以泄其毒可保無虞其在偏僻之處藥難導達者惟灸法有回生之功若投峻厲之劑是促其危矣小兒肌肉柔脆且不能言痛否灸法須將蒜切薄片著肉一面略剝少空灼艾燃蒜先置大人臂上試其冷熱得宜然後移着瘡上又別灼艾如前法試之以待相易勿令間歇

飛龍奪命丹 治瘡毒發背腦疽等證

真蟾酥

乾者酒化

輕粉

枯白礬

寒水石

銅綠

乳香

沒藥

麝香

朱砂

各六錢

蝸牛

四十箇另研如無亦

可

右十味各為末入蟾酥蝸牛或加酒少許糊丸菴豆
大每服一二丸溫酒或葱湯下重者外用隔蒜灸法
時毒薛小兒時毒因感四時不正之氣致鼻面耳項或
咽喉赤腫寒熱頭痛甚者恍惚不寧咽喉閉塞狀如傷
寒五七日間亦能殺人脉浮數者邪在表脉沉瀼者邪

在裡在表用葛根牛蒡子湯在裡用梔子仁湯表裏俱病者犀角升麻湯甚則宜砭及用通氣散宣泄其毒旬日自消若不消而欲作膿者用托裏銷毒散欲收斂者用托裏散若咽喉腫不能言頭腫不能食者必死通氣散 治時毒焮痛咽喉不利取嚏以泄其毒

玄胡索

猪牙皂莢

川芎

各一錢

藜蘆

五分

羊躑躅

花

三分

右五味為細末用紙撚蘸少許絛鼻內取嚏為効

犀角升麻湯 治風熱口唇頰車連牙腫痛

犀角

錢二

升麻

防風

羌活

川芎

白芷

各五

分

黃芩

甘草

各一錢

白附子

四分

右九味每服三五錢水煎

梔子仁湯

治時毒腫痛大便秘結

鬱金

枳殼

麤炒

升麻

山梔仁

牛蒡子

研碎炒

大

黃

炒各等分

右六味為細末每服二三錢蜜水調服

葛根牛蒡子湯 治時毒腫痛消毒解熱

葛根 管仲 甘草 江西豆豉 牛蒡子

半生半炒

研碎各等分

右五味每服三五錢水煎

流注薛小兒流注乃氣流而滯血注而凝元氣不足之證也或因閃跌墮傷或因肝火氣逆或因六淫內侵或因脾虛食積或因稟賦所致結於四肢節髀患於胸腹腰髻或結塊或漫腫或作痛悉用葱熨之法須固元氣

為主閃跌者和血定痛丸肝火者九味蘆薈丸食積者
四味肥兒丸藥能對證未成自消已成自潰若膿成不
潰者元氣虛也先補而針之庶使毒氣不致內攻氣血
不致脫陷若膿出而反痛者氣血虛也用八珍湯作嘔
少食者胃氣虛也用四君子湯欲嘔不食或腹作脹者
脾氣虛也用六君子湯口噤搐搦者氣血虛極而變證
也十全大補湯內熱晡熱陰血虛也四物參芪白朮表
熱惡寒陽氣虛也十全大補湯熱來復去或晝見夜伏

晝伏夜發者虛熱也當大補元氣若色赤腫起而膿稠者尚可治不赤硬而膿清或脉洪大寒熱發渴及不受補者皆不可治

健脾滲濕飲 治瘡瘍初起焮腫作痛或濕毒下注或

環跳穴痛

人參 白朮 蒼朮 防已酒拌 黃蘗炒 川芎 陳

皮 當歸 茯苓各五分 木瓜不犯鐵器 柴胡稍 甘草

各三分

右十二味薑水煎服如三五劑不退加桂少許酒煎亦可小便澁加牛膝身痛加羌活

和血定痛丸

一名黑子丸

治流注膝風或閃跌瘀血肢節腫

痛服之自消若潰而發熱與補藥無服自効

百草霜

五兩

赤小豆

半斤

川烏

炮一兩五錢

白薇

八兩

白芨

南星

炮各二兩

芍藥

當歸

牛膝

各五兩

骨碎補

四兩

右十味為末酒糊丸桐子大每服二三十九白湯下

神効葱熨法

治流注結核或骨癰鶴膝等證先用隔

蒜灸若餘腫尚存用此熨之以助氣行血散其壅滯
功效甚速又治跌撲損傷止痛散血消腫之良法也
其法用葱細切搗爛炒熱頻熨患處冷則易之如鶴
膝風兼服大防風湯而愈

隔蒜灸法 治流注及癰疽鶴膝風等證每日灸二三
十壯痛者灸至不痛不痛者灸至痛其毒隨火而散
蓋火以暢達拔引鬱毒此從治之法有回生之功其
法用大蒜去皮切三文錢厚安患處用艾壯於蒜上

灸之三壯換蒜復灸未成即消已成者亦殺其毒如
瘡大用蒜杵爛攤患處將艾鋪上燒之蒜敗再易如
不痛或作膿或不起發及瘡屬陰證者尤當多灸凡
瘡不痛不作膿不起發者皆氣血虛也多主不治惟
患在頭面者不宜多灸論中嬰兒灸法見疔瘡

如聖餅 治流注及一切瘡瘍不能消散或潰而不斂

乳香 沒藥 木香 血竭 當歸

各等分

麝香

減半

右六味為末用酒糊和餅二箇乘熱熨之毒瘡加蟾

酥

當歸補血湯

治流注及潰瘍肌熱面赤煩渴脉洪大

而虛重按全無此血虛證也誤服白虎湯必死

方見虛熱

益氣養榮湯

治流注氣血虛弱不能消散或四肢頸

項患腫不問堅軟赤白或痛或不痛日晡發熱或潰

而不斂

方見後

十全大補湯

治諸瘡血氣虛弱不能消散潰腐收斂

或寒熱汗出口眼歪斜肌瘦少食或日晡發熱自汗

盜汗或朝寒暮熱瘡口不斂等證

方見自汗

天蛇毒薛手指頭生瘡俗名天蛇毒然五指各有經絡
拇指屬手太陰肺經食指屬手陽明大腸經中指屬手
厥陰心包絡經無名指屬手少陽三焦經小指屬手少
陰心經亦有患於足者足趺屬肝膽胃三經大指屬肝
脾二經次指屬膽經小指屬膀胱經各當隨經而治其
致患之由或因胃中積熱所發或因乳母膏粱厚味所
致或因濕熱下流或因風毒外中大率多由所稟足三

三陰之經虛故邪得以入之也其初患腫痛者先用仙方活命飲次用托裡消毒散元氣下陷重墜作痛久而不潰者用補中益氣湯若服敗毒散及敷寒涼之劑則瘡口變黑或努肉突出或指皆黑大抵手足為氣血難到之處手属于胃足属于脾不可損其真氣丹溪以醫居僻位尚言氣血罕到况肢末乎故寒涼尅伐之藥所宜深戒者也

天泡瘡薛天泡瘡狀如水泡属肺胃二經風熱若發熱

炊痛邪在表也用人參敗毒散發熱咳嗽邪在肺也用
加味瀉白散熱渴便秘邪在內也用加味清涼飲此肌
膚之證當去毒水以金黃散或黃檗蚯蚓敷之當歸膏
亦善既安不必服藥若因攻伐過度元氣虛而變生別
證者當參各門治之

柴芍參苓散 治肝膽經分患天泡等瘡或熱毒癰癰
之類

柴胡 芍藥 人參 白朮 茯苓 陳皮 當

歸

各五分

牡丹皮

山梔

炒

甘草

各三分

右十味每服二錢水煎服

加味解毒飲

治天泡瘡發熱作痛

玄參 連翹

升麻

芍藥

當歸

羌活

生

地黃

牛蒡子

炒各三錢

茯苓

甘草

各二錢

金銀花

漏蘆

各五錢

右十二味每服一二錢水煎服或為末蜜丸亦可

金黃散

治天泡瘡消毒止痛

滑石 甘草

右二味各另為末和勻傳患處如泡挑去水傳之加黃
檗尤好

楊梅瘡薛楊梅瘡乃天行時毒亦有傳染而患者或稟
賦所得者受證在肝故多起於下部治失其宜多致蝕
傷眼目腐敗腎莖拳攣肢節初起之時上體多者先用
荆防敗毒散下體多者先用龍膽瀉肝湯大便秘者用
大連翹飲後用換肌消毒散若蝕傷眼目兼用九味蘆

薈九六味地黃丸肢節拳攣兼用蠲痺解毒湯若因脾胃虧損而不能愈者先用異功散後用換肌消毒散若用輕粉之藥多致敗證也 按楊梅瘡起于近代多姪夫御不潔之婦傳染而致者其在小兒得之乳抱傳染者輕得之父母遺體者重治法與大人同更當求之專科薛氏治法未可盡遵用也

換肌消毒散

一名草薈散

治楊梅瘡不拘初患日久並効

土茯苓

即草薈

當歸

白芷

甘草

皂角刺

薈

苡仁 白蘚皮 木灰不犯鐵器 各等分 金銀花各七分

右八味水煎食前并空心服

又方 治大人之劑如用前方未應或兒長大宜用此

方

土茯苓錢五 當歸 白芷 皂角刺炒 薏苡仁各一錢

白蘚皮 木灰不犯鐵器 木通 金銀花各七分 甘草

連翹 防風各五分 茯苓 芍藥炒 各一錢 黃芪炒 二錢

生地黃 川芎各八分

右十七味作二三劑水煎出幼者作一劑煎分兩三次服

王爛瘡聖惠云夫小兒臟腑有熱熱薰皮膚外為濕氣所乘則變生瘡其熱偏盛者其瘡發勢亦盛初生如麻子須臾王大汁潰爛如湯火所傷灼故名王爛瘡也

治小兒王爛瘡一身如麻子有濃汁乍痛乍痒或時壯熱

赤芍藥 甘草

白斂

各三分

黃芩

黃連

去鬚

黃檗

微炙
半兩

右六味為末蜜水調塗日三兩上差

治小兒王爛瘡及惡瘡

秫米 竹篠

右二味燒灰細研以田中未下水調塗之立効

治小兒王爛瘡初患一日肉色變二日鮑漿出或四畔

時赤漸長若鮑漿匝身即不可治其狀如湯火燒宜

速用黃連散

黃連末

胡粉

各一兩

右二味研勻以生油調塗之

治小兒王爛瘡初起鮑漿似火燒瘡宜用此方 又桃仁湯浸去皮研細以面脂和塗 又以艾燒灰傅乾即用生油塗 又十字街土并釜下土研傅之 又燒牛糞灰傅 又酒煎吳茱萸汁塗 又酥和赤地末傅

浸淫瘡治小兒身體發瘡初出甚小後有膿汁浸淫不已漸大名浸淫瘡若先從四肢起漸向頭面者難治也

鯽魚

一尾長三寸者

豆豉

合一

右二味杵如膏塗之又療馬鞍瘡

又方

苦瓠

一兩

蛇蛻

半兩

露蜂房

半兩

梁上塵

為末

油調塗

又方

伏龍肝

三分

亂髮

三分

為末猪脂和塗

又方

取雞冠血塗

雞冠血和黃連末塗

煎鯽魚

膏塗

生切鯽魚片和鹽貼患處

燒胡燕窠水和

塗之

紅絲瘡有一種紅絲瘡雖非丹痧其毒實同多生於兩
手中指節上男左女右則尤甚也其狀但一水泡清澄
光瑩如小雞頭大其底下澀澀然數十小針孔不痒不
痛都無妨礙泡邊當有一絲脉如紅絲隱隱在皮裏其
行甚速循臂而上過肘則危至心即死有此證者急以
針迎頭挑斷或剗耳塞或嚼白梅封之絲即不行紹興
庚午無為宰方梓字楚材與先子為同年秩滿代歸三
日而殂詢其所以云無疾但左手中指生一小水泡耳

蓋不知其為紅絲瘡也 又衛提轄宜人云比鄰有女
子忽中指節生一水泡色極清澈其底盡細細針孔歷
歷可數傍有紅絲一縷舉家嬉笑忽有老嫗來見驚曰
此紅絲瘡也當害汝命急就其泡上灼艾數十壯仍於
絲上數處挑斷遂免

惡核瘰癧巢氏云小兒遇風熱毒氣與血氣相搏結成
頑核生于頸項遇風寒所折不消結成瘰癧久而潰膿
成瘡也湯氏謂宜服清涼飲子及升麻湯等千金連翹

九龍膽湯皆可服 曾瘰癧一證先賢名曰九漏究其所因似熱稽考形狀非一不過隨象命名大槩初發於頸項肌肉之間未成膿者從本引末可使衰去針之灸之傳之從其所因而施療然小兒幼弱豈堪針灸但以服餌塗貼之劑為治此疾多生於耳後及頸項兩旁初發止是一枚次必連生大小十數纏繞項下累累如貫珠逐個先腫作膿穿破輕者可愈重者難除先穴漏膿長歲不乾謂之漏項原其得病之初自是三陽感受風

熱與血氣相搏而成治以百解散加當歸散水薑蔥燈
心煎服次用玄參飲及牛蒡湯木通散內消丸與之宣
熱化毒洗以槲皮散塗用白芨散二香散使氣血行膿
乾汁盡則自愈矣仍忌臊毒野味其證不致再作

薛胎毒瘰癧者乃稟肝膽二經鬱火氣滯所致蓋肝膽
經行人身之側若因肝火動而受惠故發於肝膽二經
部分當審其因而藥之或因乳母恚怒或血虛內熱者
當審其所因而調其母不可用峻厲之藥恐傷元氣也

一小兒落草頸間有癰五枚審其母素多怒時常寒熱或乳間作痛或脇肋微腫悉屬肝膽經證先用小柴胡湯加當歸芍藥寒熱頓退又用加味道遙散母服兩月餘其兒亦愈 一小兒因乳母肝經有熱耳前後患之用加味道遙散治其母其兒自愈 一小兒頸間耳下各結核三歲久服消毒之劑患處益甚元氣益虛診乳母素鬱怒致肝脾血虛而有熱用加味歸脾湯為主佐以加味道遙散母熱漸退却與兒日各數匙兩月餘

而愈 一小兒自落草時頸間患有四枚至五歲耳前
後如貫珠元氣虛甚寒熱往來飲乳不徹此稟肝膽經
氣滯之證用八珍逍遙二散與壯年婦人服之兒飲其
乳半載之後兒體漸充其核漸消又服地黃丸逍遙散
而全愈 一小兒生下頸間瘰癧三枚將期敷藥延及
耳前余謂此稟肝膽二經所致診其母肝膽脉尚洪數
余謂母子一體治其母子自愈不信另用必効散一服
吐瀉並至一夕而歿

熱毒瘰癧乃手足少陽足厥陰二經風熱之證或肝疳
食積所致其證發於項腋或耳前後或如貫珠當分表
裏虛實若焮赤腫者肝經熱毒也用人參敗毒散作痛
寒熱者肝火內作也用加味小柴胡湯不痛而小便黃
肝血虛也用六味地黃丸隱於肉裡而色不變者肝疳
內作也用九味蘆薈丸膿成而不潰或潰而不斂者脾
氣虛弱也用益氣養榮湯凡此腫焮疼痛寒熱作渴者
屬病氣有餘形氣不足治宜清肝火生肝血腫硬不潰

潰而不斂者屬病氣形氣俱虛治宜補腎水實脾土若
因乳母恚怒肝火遺患者又當隨所因而治之 一小
兒膿水淋漓其核未消發熱增寒此肝經氣血虛而有
熱也用補陰八瓊湯為主間以清肝益榮湯而愈後復
結核小便赤澀晡熱作渴用參朮柴苓湯為主佐以六
味地黃丸料加柴胡山梔及四味肥兒丸而斂 一小
兒十五歲患此發熱作渴日晡頰赤脉數無力屬陰虛
而有熱用補陰八瓊湯五十劑加參芪又二十劑而潰

但膿水清稀肌肉不生此脾氣虛弱也以參芪歸朮為主佐以芍藥熟地黃麥門五味氣血乃復遂進必効散一服毒下而痊 一小兒患此服尅治之藥致寒熱腹脹此肝脾疳證先用五味異功散加柴胡升麻佐以九味蘆薈丸漸退又用四味肥兒丸五味異功散而消

一小兒九歲患此面色常青腫硬不潰肉色不變乃伐肝化痰余曰當調補肝脾不信果虛證蜂起復請治仍欲伐肝余曰面帶青色肝虛而本色見也面色變白肺

虛而本色見也痰涎上湧脾虛而不能攝也兩目連劄
肝血虛而生風也經云胃為五藏之本當先救胃氣遂
用五味異功散加升麻柴胡元氣稍復乃朝用補中益
氣湯夕用五味異功散佐以九味蘆薈丸面色始黃而
核漸消又以四味肥兒丸間服地黃丸而愈

百解散

驚表裏

當歸散

潮熱

牛蒡湯

咽疾

大聖散

治療癰消風毒腫上壅內熱多生癰疹風丹

風證食煎燂多致此疾

羌活 荊芥 升麻 薄荷 防風 甘草 大

黃 黃芩 玄參 各等分 或加赤芍藥連翹

右九味為末每二錢水一盞煎六分溫服又方用牡

蠣 二兩 火鍛為末玄參 一兩 甘草 半兩 為末每服二錢茶清

調下

玄參飲 治療癰及頭上生惡核腫痛

玄參 升麻 各五錢 川烏 炮裂去皮臍 草烏 炮裂去皮 當歸 酒洗

川芎 赤葛 乾地黄 赤芍藥 各二錢半 甘草 三錢 大

黃

半生半
炮四錢

右十一味剉每服二錢水一盞薑二片煎七分無時

溫服

升麻湯

升麻

射干

連翹

犀角屑

大黃

微炮

朴硝

各半

兩

右六味㕮咀水煎大小加減忌酒麵炙博物

木通散

淋

柴芍參苓飲 治肝火血熱遍身搔痒或起赤暈或筋

攣結核

柴胡 芍藥 人參 白朮 茯苓 陳皮 當

歸

各五分

牡丹皮

山梔

炒

甘草

各三分

右十味薑棗水煎服

清肝益榮湯 治肝膽經風熱血燥筋攣結核或作瘕

子

龍膽草

酒拌炒

柴胡

各五分

當歸

川芎

芍藥

各一錢

熟地黄

自製

白朮

炒

木瓜

不犯鐵器

山梔

炒

茯苓

薏苡

仁

各五分

甘草

三分

右十二味水煎服

加味小柴胡湯

治肝膽經風熱耳前後腫痛或結核

煖痛或寒熱晡熱口苦耳聾等證

柴胡

二錢

黃芩

炒一錢

人參

半夏

各七分

甘草

炙五分

山

梔

牡丹皮

各一錢

右七味薑水煎徐徐服去山梔牡丹皮即小柴胡湯

益氣養榮湯 治氣血虛弱四肢頸項等處患腫不問
腫潰日久不斂俱宜服之

人參 茯苓 陳皮 貝母 香附炒 當歸酒洗 川

芎 黃芪 熟地黃自製 芍藥炒各一錢 甘草炙 桔梗各五

分 白朮炒 柴胡各六分

右十四味每服二三錢薑水煎

必効散 治瘰癧元氣無虧者宜用此方若元氣怯弱者宜先補而後服之瘰癧毒已下便與滋補庶無他患

若孕婦及虛勞氣鬱所致者尤不可服世以此方為良劑故併注之

南鵬砂

二錢五分

輕粉

一錢

射香

五分

巴豆

五粒去皮心膜

白檳榔

一箇 蟬蛻

四十箇去頭足翅同糯米炒去米

右六味為末取雞子二箇去黃用清調藥入殼內以濕紙數重糊口甑蒸熟取出曝乾研細每服五分用炒生薑酒五更調服如毒出小便澀痛用益元散一服其毒出而不痛

貼惡核方

赤小豆 猪牙皂莢 硝石 黃藥 木鼈子

各半

兩

右五味為末雞子清調塗患處

貼散瘰癧神効方

白膠香 降真香

用心無
土氣者

海螵蛸

右三味等分為末糝患處外以水紙掩之一夜而退
興化李八哥傳貼瘰癧膏藥未破者即消已破者即出

惡物收斂神驗良方

輕粉 麝香 珍珠 血竭 沒藥 乳香 黃

蠟

各六分

松香

八錢

銅青

六分

杏仁

二十枚

去皮尖

蓖麻子

二十枚

去殼

殼

右十一味各研極細末攪和用磁杵鉢搗成泥膏不
犯鐵器不見火將膏攤傅絹上以手撲薄貼

治療癰破潰不斂者方

用燒灰場上紅黃土研細洗淨患處摻之神効

薛驚風結核屬肝膽二經風木相火用事木旺生風熱同化其病抽掣擾動此乃風熱血燥而然耳蓋風動則肝火盛火盛則肝血內消血不能養筋故筋攣結核如貫珠然頸項兩側正屬肝膽經部分治宜滋腎水清肝火養陰血壯脾土蓋腎水旺則肝火自清肝火清則陰血自生陰血生則相火自寧火既寧則無熱傷元氣火乘土位之疾矣 一小兒甫周歲項間結核兩臂反張索敗毒之藥余意此屬肝經血燥詢之果前患驚風曾

服朱砂等藥遂與六味地黃丸滋其肝血數服而愈

一小兒項側結核痰盛發搐服金石香燥之劑手足筋
攣此肝血復傷即急驚也遂用加味小柴胡湯加釣藤
鉤山梔芎歸六味丸料加五味麥門而痊 一小兒每
受驚項間結核發熱減食睡間四肢微抽此肝木侮脾
土也用五味異功散加柴胡升麻釣藤鉤隨愈畢姻後
腿臂腕間結核誤服行氣破血藥腿臂筋攣肌體消瘦
如瘰證余考績到京用地黃丸生肝腎之血佐以補中

益氣湯補脾肺之氣而愈 一小兒耳前後結核遇驚

即痰盛咬牙抽搐頭悞服香燥之藥以致慢驚而卒

皂角子丸 治肝膽經風熱項脇兩側結核

皂角子

用仁炒
二兩

連翹

錢八

當歸

柴胡

芍藥

炒
山

梔

炒
川芎

各一
兩

桔梗

炒

龍膽草

酒拌
炒黑

甘草

炒各
四錢

右十味為末米糊萊豆大量兒大小加減滾湯下

人參敗毒散 治小兒風熱瘙痒頑核毒瘡或解脫衣

裳風邪所傷惡風發熱胸膈生痰頭目不清

方見
後

九味柴胡湯 治肝經熱毒下注患便毒腫痛或小腹
脇間結核凡肝膽經部分一切瘡瘍或風毒惡核瘰
癧

柴胡

炒

黃芩

炒 各五分

人參

山梔

炒

半夏

龍膽草

炒

當歸

芍藥

炒 各三分

甘草

二分

右九味水煎服若腫痛赤色元氣無虧者宜用潰後
腫消痛止者不宜用大凡腫硬不潰潰後不愈者因
元氣虛也午前宜用四君歸芪升麻午後宜用四君

芎歸柴胡為主佐以九味蘆薈丸若飲食少思者宜用五味異功散專補胃氣若膿水清稀而見一切諸證皆因血氣內虧但溫補脾胃飲食加進血氣化生諸證自退設治瘡邪是虛其虛也禍不旋踵矣

琥珀膏

治瘰癧不潰或潰而不愈變成漏證

琥珀

木通

桂心

當歸

白芷

防風

松

香

硃砂

丁香

木香

木鼈子

肉各二兩

右十一味先用琥珀丁香桂心硃砂木香為末其餘


呖咀以麻油二斤六兩慢火煎至白芷焦黑濾去渣
徐下黃丹一斤以柳枝不住手攪至黑色滴水捻軟
硬得中却入琥珀等末攪勻於磁器盛之用時取少
許攤貼

益脾清肝散 治肝火侮脾飲思少思發熱或寒熱往

來瘡不能消散

方見後

補陰八珍湯 治元氣虛弱不能潰斂或內熱晡熱肌
體消瘦即八珍湯加酒炒黑黃檗知母



證治準繩卷七十九